

FYi



No Permit:PP13200/12/2013(032007)
August 2017:ISSN 1675-5464

Your OSH preferred partners

KESELAMATAN ELEKTRIK



KESELAMATAN ELEKTRIK

DEFINISI

Elektrik - merupakan tenaga atau kuasa elektrik apabila dijana, dikeluarkan, dihantar, diagihkan, dibekalkan atau digunakan bagi apa-apa maksud kecuali bagi maksud penghantaran apa-apa komunikasi atau syarat.

Hidup/Bertenaga- voltan wujud di antara apa-apa konduktor dengan bumi atau di antara mana-mana konduktor.

Tenaga elektrik ialah hazard yang;

- Tidak kelihatan,
- Tiada bau,
- Senyap.

Tenaga elektrik boleh mengalir menerusi bahan pengalir atau konduktor seperti;

- Besi dan logam
- Air
- Tubuh manusia

Bahan yang tidak dapat mengalirkan elektrik - penebat seperti; kayu, plastik, kaca dan getah.

RENJATAN ELEKTRIK

Renjatan elektrik boleh berlaku disebabkan oleh pengaliran arus elektrik dengan kadar tertentu di dalam badan mangsa secara tidak sengaja.

Kedadaan ini berpunca sama ada daripada penebatan yang kurang baik, pembumian yang kurang sempurna atau penggunaan pemutus litar arus baki yang rosak.

Kesan kepada tiga peringkat mengikut kadar arus dan kesan renjatan.

KADAR ARUS DAN KESAN RENJATAN ELEKTRIK

Arus (mAmps)	Kesan Kepada Manusia
3 milliamps	Kejutatan lembut (<i>Mild shock</i>)
7 milliamps	Kejutatan elektrik yang sakit (<i>Painful electronic shock</i>)
20 milliamps	Kesukaran bernafas
70 milliamps	Risiko kematian
700 milliamps	Tisu badan melecur
3000 milliamps	Jantung terhenti

Sumber: National Safety Council

LECUR


Lecur boleh berlaku pada bahagian luar dan dalam tubuh mangsa. Lecur mempunyai beberapa tahap iaitu;

- Lecur tahap **pertama** menampakkan tanda kemerah-merahan pada kulit
- Lecur tahap **kedua** ialah lecur yang menyebabkan kulit menggelembung & mengandungi cecair
- Lecur tahap **ketiga** ialah lecur hingga ke bahagian dalam tubuh mangsa yang menyebabkan kegagalan otot berfungsi. Lecur tahap ini adalah yang paling teruk dan memerlukan rawatan pakar untuk memulihkan mangsa




LANGKAH-LANGKAH KESELAMATAN SEMASA PENGGUNAAN ELEKTRIK

- Jangan sentuh wayar elektrik atau alat elektrik dengan tangan yang basah
- Jangan guna wayar elektrik yang penebatnya telah tertanggal
- Jangan bermain berhampiran dengan punca kuasa
- Jangan guna palam elektrik yang telah retak atau pecah
- Jangan guna alat elektrik semasa berlakunya guruh atau kilat
- Padamkan suis utama sebelum sebarang litar elektrik diperbaiki
- Jangan baiki sendiri alat elektrik atau litar elektrik yang rosak.
- Jangan cucuk sebarang bahan ke dalam lubang soket
- Jangan sambung palam elektrik yang terlalu banyak pada punca kuasa yang sama
- Jangan ganti dawai fius yang terputus dengan dawai biasa.




Jangan membuat sambungan yang banyak daripada satu punca



Jangan cuba menyentuh wayar yang tidak bertebat



Jangan cuba menggantikan dawai fius dengan sebarang dawai atau logam



Jangan menggunakan kabel yang pecah atau terlalu lama



LANGKAH-LANGKAH YANG PERLU DIAMBIL SEMASA BERLAKUNYA KEJUTAN ELEKTRIK

- Matikan suis dengan segera
- Bawa mangsa ke klinik atau hospital dengan segera
- Jangan sentuh mangsa. Pisahkan mangsa daripada punca elektrik dengan menyentuhnya dengan penebat yang kering
- Berikan pertolongan cemas kepada mangsa yang tidak sedarkan diri atau telah berhenti nafas jika boleh

CARA PENGGUNAAN ELEKTRIK YANG SELAMAT

- **Perlindungan litar** – fius dengan pemutus litar
- **Suis pengasingan** – suis pengasingan dilabelkan untuk mudah dikenal pasti (jika di "off" mesti dikunci)
- **Penyelenggaraan** – rutin, berkala atau pembedaan
- **Pembumian** – setiap peralatan elektrik mesti dibumikan.
- **Penebatan** – pendawaian dan peralatan elektrik
- **Suis kecemasan**- memutuskan litar secara automatik atau manual
- **Suis interlock / limit** – menghadkan parameter
- **Papan tanda** – amaran, larangan atau arahan
- **PPE**- sesuai dengan kerja

Untuk perlindungan daripada sentuhan terus salah satu cara berikut boleh digunakan:

- Penebatan bahagian hidup**
Semua bahagian hidup pada pemasangan elektrik mesti mempunyai salutan penebat yang mampu menahan tekanan/pemanasan secara elektrik, mekanikal atau tindak balas yang dikenakan terhadapnya.
- Penyekat atau penutup**
Semua bahagian hidup mesti diletakkan di dalam penyekat/ penghadang /penutup yang diikat kuat supaya dapat bertahan sepanjang tempoh perkhidmatan. Ia hanya boleh dibuka atau ditanggalkan dengan kunci atau pemulas skru. Contohnya konduit, sesalur dan peti berpenebat.

Apabila bekerja dengan menggunakan peralatan elektrik, prihatin terhadap langkah keselamatan adalah penting. Ini adalah kerana nisbah kematian terhadap kecederaan adalah tinggi dalam kemalangan elektrik berbanding kemalangan dalam kategori lain. Kegagalan mematuhi langkah keselamatan akan meningkatkan kemalangan yang serius.

OSH ACTIVITIES

MAJLIS PELANCARAN EKSA DAN GOTONG ROYONG PERDANA PERINGKAT NIOHS 2017

Pada 25 Ogos 2017, NIOHS telah mengadakan Majlis Pelancaran EKSA dan Gotong Royong Perdana Peringkat NIOHS 2017. NIOHS kini dalam persediaan bagi mendapatkan pengiktirafan pensijilan EKSA. Komponen utama dalam pelaksanaan EKSA masih berteraskan kepada Amalan 5S yang ditambah baik, di samping penambahan beberapa elemen baharu. Majlis bermula pada pukul 8.30 pagi sehingga 12.15 tengah hari bertempat di Dewan Teater, Bangunan Utama (Perasmian) dan Kawasan Pejabat (Gotong Royong).

Majlis dirasmikan oleh Tuan Pengarah Eksekutif NIOHS iaitu Tn Haji Zahrim Osman. Bahagian Pengurusan Kualiti (QMD) selaku sekretariat EKSA mengadakan Majlis Pelancaran EKSA dan Gotong Royong Perdana Peringkat NIOHS 2017. Tujuan program ini dijalankan adalah sebagai komitmen pihak Pengurusan NIOHS dalam memupuk semangat kerjasama di kalangan kakitangan bagi mewujudkan persekitaran NIOHS yang lebih bersih, ceria, kondusif, selamat dan sihat.



Pada majlis itu, tayangan montaj aktiviti EKSA, penyerahan Buku Garis Panduan dan Anak pokok kepada ketua Zon EKSA. Majlis turut meraikan penyampaian hadiah bagi pemenang logo EKSA iaitu Encik Irwan Hazree bin Idris. Selepas majlis perasmian, gotong royong mengikut zon (mengemas stor dan kawasan sekitar) dimulakan.

EKSA seharusnya dilihat sebagai satu program/aktiviti yang menggalakkan warga kerja NIOHS agar lebih kreatif dan inovatif dalam usaha mewujudkan persekitaran kerja yang sesuai dan mampu meningkatkan produktiviti serta kualiti penyampaian perkhidmatan.

MAJLIS MENANDATANGANI MEMORANDUM PERJANJIAN (MOA) DI ANTARA NIOHS DENGAN PLUS (M) BERHAD



Majlis Menandatangani MoA di antara NIOHS dan PLUS (M) Berhad telah diadakan dengan jayanya pada 18 Ogos 2017 bertempat di Menara PERSADA, PLUS (M) Berhad.

MoA ini telah ditandatangani oleh Pengarah Eksekutif NIOHS, Tn Haji Zahrim Osman dan Datuk Azman Ismail, Pengarah Urusan PLUS dengan pertukaran dokumen tersebut disaksikan oleh Pengerusi NIOHS, Tan Sri Datuk Seri Lee Lam Thye.

Skop kerjasama selama tiga (3) tahun ini adalah atas inisiatif yang dilaksanakan oleh syarikat konsesi lebuhraya menerusi program Pasport Keselamatan Operasi Lebuhraya atau dikenali sebagai EOSSP di dalam melatih kakitangan dan kontraktor bagi mengurangkan kes kemalangan dan kematian di tempat kerja sewaktu membina dan menyelenggara lebuhraya.

SEMINAR OSH IN SCHOOL PERINGKAT WILAYAH SELATAN



Pada 17 Ogos 2017, Institut Keselamatan dan Kesihatan Pekerjaan Negara (NIOSH) telah mengadakan Seminar Pengurusan Keselamatan dan Kesihatan Pekerjaan di Sekolah peringkat Negeri Johor. Seminar OSH in School anjuran NIOSH dengan kerjasama Kementerian Pendidikan Malaysia telah diadakan di NIOSH Wilayah Johor dan dirasmikan oleh Pengerusi NIOSH iaitu YBhg. Tan Sri Datuk Seri Lee Lam Thye.

Objektif utama program ini diadakan adalah bagi mewujudkan persekitaran sekolah yang selamat dan sihat kepada guru, kakitangan dan juga murid semasa berada di sekolah. Selain memupuk kesedaran terhadap Keselamatan dan Kesihatan Pekerjaan (KKP) di sekolah, program ini juga memastikan sekolah sebagai zon selamat bagi murid dan warga sekolah yang lain. Program ini diadakan bagi memupuk kesedaran tentang amalan budaya selamat di sekolah yang mana sekolah juga tidak terlepas dari menghadapi kemalangan yang melibatkan pelajar sekolah. Penyertaan seminar ini terdiri dari guru-guru, para pentadbir sekolah dan dari Jabatan Pendidikan di sekitar Johor Bharu.

Dalam ucapan perasmian, Pengerusi Institut Keselamatan dan Kesihatan Pekerjaan Negara (NIOSH) Tan Sri Lee Lam Thye berkata mereka yang terlibat dengan program Keselamatan dan Kesihatan Pekerjaan di sekolah (OSH in School) di saran supaya menyediakan manual khas dan borang standard bagi membolehkan proses audit dibuat dengan cepat dan tepat. Manual dan borang audit standard akan memudahkan kerja mereka yang dilantik untuk menilai tahap keselamatan dan kesihatan pekerjaan (KKP) di setiap sekolah. Ia boleh digunakan dengan mudah oleh guru atau pegawai keselamatan dan kesihatan (Safety and Health Officer- SHO) yang telah dilantik melakukan audit secara berkala.

Tan Sri Lee Lam Thye turut mencadangkan supaya pihak terlibat membangunkan aplikasi dalam talian yang mampu memudahkan tugas mereka yang terlibat membuat laporan berkala mengenai tahap keselamatan dan kesihatan di sekolah masing-masing. Beliau berkata pihak NIOSH juga akan mendapatkan maklum balas daripada pihak yang terlibat terutamanya mereka yang menyertai seminar OSH in School di seluruh Negara. NIOSH juga berharap program yang sama akan diadakan di Kedah.

SEMINAR KESELAMATAN DAN KESIHATAN PEKERJAAN UNTUK PENGAMAL MEDIA



Pada 10 Ogos 2017, NIOSH telah menganjurkan Seminar Keselamatan dan Kesihatan Pekerjaan untuk Pengamal Media. Seminar ini telah diadakan di Dewan Rafflesia, Menara NIOSH, Bandar Baru Bangi, Selangor yang dipengerusikan oleh YBhg Tan Sri Datuk Seri Lee Lam Thye.

Topik seminar ini adalah Keperluan Perundangan, Keselamatan & Kesihatan Pekerjaan (KKP) di tempat kerja dan Pengurusan Keselamatan dan Kesihatan Pekerjaan di tempat kerja. Seminar ini disokong oleh Kementerian Sumber Manusia serta Kementerian Komunikasi dan Multimedia.

Menurut Pengerusi Institut Keselamatan dan Kesihatan Pekerjaan Negara, NIOSH, Tan Sri Lee Lam Thye, program seperti ini diwujudkan bagi membolehkan warga media yang ditugaskan membuat liputan di lokasi berisiko tinggi sudah pun membuat persiapan yang mencukupi.

Organisasi media disarankan untuk melaksanakan satu program "Safety Passport" atau passport keselamatan kepada semua pengamal media seperti yang telah digunakan oleh industri petroleum dan syarikat-syarikat besar lain.

Tambahnya lagi, majikan perlu peka dan menyediakan peralatan keselamatan serta perlindungan perubatan dan kesihatan yang sesuai kepada wartawan dan jurukamera yang bertugas di zon bahaya.

MAJLIS SAMBUTAN BULAN KEMERDEKAAN KE 60 PERINGKAT NIOSH 2017

Sempena sambutan kemerdekaan ke 60 tahun, NIOSH telah menganjurkan Majlis Sambutan Bulan Kemerdekaan Ke 60 peringkat NIOSH 2017 bertarikh pada 15 Ogos 2017 (Selasa). Sambutan yang julung kali diadakan ini bermula sekitar 9.00 pagi yang bertempat di Perkarangan Parkir, Bangunan Utama NIOSH (berhadapan dengan pagar masuk utama). Turut hadir Pengarah Eksekutif NIOSH Zahrim Osman dan Setiausaha Eksekutif NIOSH Ayop Salleh.

Acara pada pagi itu dimulakan dengan pendaftaran peserta dan cabutan bertuah. Ketibaan YBhg Tan Sri Datuk Seri Lee Lam Thye pada pukul 9.30 pagi dengan nyanyian lagu Negaraku dan Nyanyian lagu Jalur Gemilang serta ucapan perasmian. Bagi memeriahkan lagi majlis tersebut beberapa acara telah dibuat seperti acara Deklamasi Sajak "Suara Anak Merdeka" yang telah disampaikan oleh kakitangan NIOSH. Dalam majlis tersebut Gimik Pelancaran iaitu Aksi lasak *abseiling* digunakan untuk mengibarkan Jalur Gemilang. Hadiah Istimewa menanti bagi tamu yang berpakaian mengikut Tema Hari Kemerdekaan dan dipilih sebagai pemenang "Pakaian Tercantik".

Sambutan Hari Kemerdekaan atau Kebangsaan serta Hari Malaysia pada tahun 2017 adalah bertemakan Negaraku Sehati Sejiwa.

Penetapan Negaraku Sehati Sejiwa sebagai tema sambutan Hari Kebangsaan tahun 2017 adalah bagi menunjukkan bahawa betapa pentingnya rakyat Malaysia yang berbilang kaum dan agama saling memahami dan hormat menghormati serta bersatu padu untuk menentukan masa depan negara agar lebih gemilang, stabil dan aman damai.




BANGI 15 Ogos - Institut Keselamatan dan Kesihatan Pekerjaan Negara (NIOSH) hari ini mencari kelainan dalam menunjukkan semangat patriotik sempena sambutan Hari Kemerdekaan ke-60 apabila merentangkan Jalur Gemilang khas menggunakan aksi lasak abseiling, iaitu turun menggunakan tali dari atas bangunan ibu pejabatnya yang mempunyai ketinggian 10 meter.

Menurut Pengerusi NIOSH Tan Sri Lee Lam Thye, Jalur Gemilang gergasi berukuran lima meter lebar dan 11 meter panjang yang diperbuat daripada bahan tarpaulin itu diturunkan oleh pasukan khas latihan bekerja di tempat tinggi NIOSH, sebagai gimik untuk menunjukkan gabungan kreativiti dan cara bekerja selamat yang ditekankan oleh pihaknya.

"Walaupun kita sering melihat bendera bersaiz besar dipasang di pelbagai jenis bangunan, NIOSH mahu pemasangannya dilakukan dengan cara yang betul oleh mereka yang mempunyai kemahiran," katanya selepas majlis Sambutan Hari Kemerdekaan ke-60 di ibu pejabat NIOSH, di sini hari ini.

Aksi lasak abseiling digunakan untuk mengibarkan Jalur Gemilang. Turut hadir Pengarah Eksekutif NIOSH Zahrim Osman dan Setiausaha Eksekutif NIOSH Ayop Salleh. Pasukan khas NIOSH yang terdiri daripada tenaga pengajar bertauliah kumpulan "Working at Height" dari Bahagian Kompetensi Kemahiran Keselamatan NIOSH itu diketuai oleh pengurusnya Muhammad Zaeem Mokhtar.



Patriotik!

Menurutnya, majikan dan pekerja seluruh negara perlu memberikan keutamaan terhadap aspek keselamatan dan kesihatan pekerjaan (KKP) dalam setiap aspek agar impian negara ingin menjadi negara maju turut diiringi dengan jumlah kemalangan industri yang rendah.

"NIOSH yang meraikan ulang tahun ke-25 tahun ini berazam untuk membantu negara mencapai impian menurunkan kadar kemalangan industri negara kepada hanya dua kes bagi setiap 1,000 pekerja pada masa akan datang, seperti yang dicatatkan di negara-negara maju.

"Ketika kita meraikan kemerdekaan kali ke-60, kita juga perlu berazam meningkatkan kesedaran mengenai amalan KKP yang baik serta menjadikannya budaya kita," katanya.

Sumber Maklumat: UTUSAN ONLINE

Dewan bentang RUU sistem insurans Lindungi pekerjaan

● Akta beri faedah pembayaran elaun jika kehilangan kerja

Laporan Rohaniza Idris, Hazwan Faisal Mohamad dan Ahmad Suhail Adnan bhnnews@bh.com.my

■ Kuala Lumpur

Berita melindungi pekerja yang dibayar kerja, kerajaan membentangkan Rang Undang-Undang (RUU) Sistem Insurans Pekerjaan 2017 yang antara lain memberi faedah pembayaran elaun mencari kerja kepada mereka yang kehilangan pekerjaan. RUU itu dibentangkan Menteri Sumber Manusia, Datuk Seri Richard Riot untuk bacaan kali pertama di Dewan Rakyat, semalam.

Antara faedah lain yang bakal dinikmati pekerja melalui RUU itu adalah elaun pendapatan berkurangan kepada orang ber-



Richard Riot

insurans yang kehilangan pekerjaannya. RUU itu juga menyatakan perubahan suatu kumpulan dikenali sebagai 'Kumpulan Wang Insurans Pekerjaan' untuk menguruskan dan mentadbir caruman insurans yang diperoleh daripada majikan dan pihak pekerja.

Turut diperuntukkan satu garis panduan untuk membantu penempatan pekerjaan semula individu jika pekerja berkecuali kehilangan pekerjaan serta bayaran pekerja berinsurans yang menanggung denda, dalam keadaan koma ataupun kehilangan kesempurnaan akal.

RUU juga menetapkan apabila dilulus dan dikuatkuasakan kelak akan dapat mengelaskan dasar pasaran buruh yang aktif.

Ms.20
→ ISU

2 pekerja maut dihempap kren tumbang

● Kejadian berlaku dengan pantas ketika laksana sibuk

Oleh Mohd Roji Kawi mroj@bh.com.my

■ Kota Samarahan

Dua pekerja, termasuk seorang wanita, maut selepas dihempap kren di tapak projek perumahan di Taman Capital Tanjung Tiang, di sini, petang semalam.

Mangsa, Muhammad Baqe, 49, dari Kampung Melayu, Samarahan dan Helen Suma Gilbert, 40, dari

Kampung Moyan Lidang, Assajaya, maut di lokasi dalam kejadian pada jam 3.35 petang.

Sumber berkata, kejadian itu berlaku dengan pantas ketika beberapa pekerja sedang sibuk menjalankan tugas masing-masing di tapak perumahan berkenaan.

Pentuman kuat tiba-tiba
Kamru dikemukakan dengan bunyi dentuman yang kuat dan tidak menyangka ada pekerja yang dihempap bahagian pelantar kren itu.

"Pada mulanya kami menyangka hanya seorang sahaja mangsa iaitu Muhammad, namun ada pekerja menyedari seorang wanita terserap di bawah kren itu," katanya.

Sementara itu, Pemangku Timbalan Pengarah Jabatan Bomba dan Penyelamatan Malaysia (JBPM) Sarawak, Tiong Ling Hii, berkata pihaknya menerima panggilan daripada orang awam yang memak-

lumkan kejadian itu. Beliau berkata, sembilan anggota dengan sebuah jentera dan sebuah kenderaan EMRS dari Balai Bomba dan Penyelamat Kota Samarahan, dikejarkan ke tempat kejadian.

"Ketika anggota Bomba dan Penyelamat tiba di tempat kejadian pada jam 4.11 petang, mayat mangsa lelaki sudah berjaya dikeluarkan, manakala mangsa wanita masih terserap di bawah kren.

"Anggota kami terpaksa meminta bantuan dua jentera yang kebetulan berada berdekatan untuk mengangkat bahagian kren berkenaan bagi membolehkan operasi mengeluarkan mayat wanita itu," katanya.

Ling Hii berkata, mayat kedua-dua mangsa diserahkan kepada polis untuk tindakan selanjutnya dan siasatan masih dijalankan untuk mengenal pasti punca kejadian.



Anggota Bomba dan Penyelamat mengeluarkan mangsa dihempap kren tumbang di tapak projek perumahan Taman Capital Tanjung Tiang di Kota Samarahan, semalam.

DEWAN BENTANG RUU SISTEM INSURANS LINDUNGI PEKERJAAN

Publication: Berita Harian
Date of Publication: 02 August 2017
Page number: 14

WEDNESDAY, AUGUST 16, 2017 • NewStraitsTimes

Nation / NEWS 13

'WORK AT HEIGHT TEAM'
RAISING JALUR GEMILANG THE SAFE WAY

Niosh drapes main office building with flag using abseiling techniques

FARHANA SYED NIKMAN BANGI news@nsm.com.my

THE National Occupational Safety and Health Institute (Niosh) yesterday unfurled a giant Jalur Gemilang using abseiling techniques at its main office building here.

Niosh chairman Tan Sri Lee Lam Thye said the plan to drape the building with the 5m by 11m tarpaulin flag was executed by Niosh's highly-trained "Work at Height" team to showcase creativity and safe work ethics as espoused by the institute.

"Although we often see large flags hung on buildings, Niosh wants the procedure to be done in the right way by those with the right skills," he said after the 60th National Day celebration at the Niosh headquarters here yesterday.

Present were Niosh executive director Zahrim Osman and executive secretary Ayop Salleh.

Niosh's "Working at Height" team comprises instructors from Niosh Security Skills Competition Division led by its manager, Muhammad Zaeem Mokhtar.

Lee delivered a poem titled *Erti Kemerdekaan* (Meaning of independence), which was penned by poet Datuk A. Samad Said.

Sixty balloons in the colours of blue, white, yellow and red that symbolise the 60th National Day, were released.

Lee said occupational safety and health should be prioritised to turn Malaysia into a developed nation with a low industrial accident rate.

He added that in conjunction with Niosh's 25th anniversary, the institute was determined to help the country achieve only two cases for every 1,000 employees in the future, as in other developed countries.

"As we celebrate our 60th National Day, we also need to focus on increasing awareness on occupational safety and health, and make it our culture."

National Occupational Safety and Health Institute chairman Tan Sri Lee Lam Thye (third from right) releasing balloons during its National Day celebration in Bangi yesterday. PIC BY KHARULL AZRY BIN

2 PEKERJA MAUT DIHEMPAP KREN TUMBANG

Publication: Berita Harian
Date of Publication: 12 August 2017
Page number: 20

RAISING JALUR GEMILANG THE SAFE WAY

Publication: News Straits Times
Date of Publication: 16 August 2017
Page number: 13

10 NEGARA!


Lelaki tidak sedarkan diri ketika lakukan kerja-kerja penyelenggaraan Temui ajal di menara pencawang

Oleh KAMARIAH KHALIDI


HULU TERENGGANU - Seorang lelaki menemui ajal dalam keadaan menyedihkan apabila dia ditemui dalam keadaan tidak sedarkan diri ketika menjalankan kerja-kerja penyelenggaraan di sebuah menara pencawang telekomunikasi di Kampung Lubuk Pait, Kuala Berang di sini kelmarin.

Mangsa, Mohamad Zakery Zaimul Abidin, 38, yang berasal dari Sungai Petani, Kedah berada di atas menara tersebut untuk menjalankan kerja-kerja penyelenggaraan kabel pada pukul 5 petang bersama dua lagi rakan-raya.

Ketua Polis Daerah Hulu Terengganu, Deputi Superintendan Mohd. Adli Mat Daud berkata,



LOKASI di mana Mohamad Zakery ditemui tidak sedarkan diri ketika melakukan kerja-kerja penyelenggaraan di menara pencawang di Kampung Lubuk Pait, Kuala Berang semalam.



MANGSA yang tidak sedarkan diri diturunkan dengan bantuan anggota bomba dan penyelamat dari ketinggian 42 meter.

ke platform paling atas pada ketinggian 76 meter sebelum tali pinggang keselamatan yang dipakainya terjatuh di platform dua.

"Lelaki itu kemudian turun ke platform dua yang berada pada ketinggian 42 meter sebelum rakan mangsa yang berada di bawah bergasus naik untuk membantu," katanya di sini semalam.

Menurut beliau, rakan mangsa terkejut selepas mendapati mangsa berada dalam keadaan tidak bernyawa sebelum memberi bantuan kecemasan.

Ragaimangpun katanya, mangsa kemudian tidak sedarkan diri sebelum kejadian itu dimaklumkan kepada pasukan penyelamat.

"Mayat mangsa di hantar ke Hospital Hulu Terengganu untuk proses bedah siasat," jelasnya.

KOSMO! ISIN 21 OGOS 2017

TEMUI AJAL DI MENARA PENCAWANG

Publication: Kosmo
Date of Publication: 21 August 2017
Page number: 10

TINGKAT KESEDARAN PEKERJA

Publication: Harian Metro
Date of Publication: 16 August 2017
Page number: 38



LEE pada Majlis Sambutan Bulan Kemerdekaan Ke-60 Peringkat NIOSH 2017 di NIOSH, Bangi.

Bangi

Tingkat kesedaran pekerja

Majikan perlu meningkatkan kesedaran terhadap aspek keselamatan dalam kalangan pekerja yang menunggang motosikal ke tempat kerja berikutan berlaku peningkatan ketara statistik kemalangan ulang-alik ke tempat kerja tahun lalu.

Pengerusi Institut Keselamatan dan Kesihatan Pekerjaan (NIOSH) Tan Sri Lee Lam Thye berkata, statistik menunjukkan peningkatan 10 peratus atau 31,314 kes yang dilaporkan kepada Pertubuhan Keselamatan Sosial (PERKESO) tahun lalu berbanding 28,579 kes pada tahun sebelumnya.

"Kemalangan

ulang-alik ke tempat kerja kebanyakannya membabitkan penunggang dan pembonceng motosikal. Ini sebenarnya berkaitan dengan sikap mereka di jalan raya namun ia diberi perhatian serius oleh NIOSH dan Kementerian Sumber Manusia.

"Mengikut Akta Keselamatan dan Kesihatan Pekerjaan (OSHA) 1994, majikan bertanggungjawab untuk memastikan keselamatan pekerja mereka. NIOSH turut mengemukakan program bersama industri yang memberi fokus aspek keselamatan penunggang dan pembonceng motosikal," katanya.

KOSMO! RABU 9 OGOS 2017

NEGARA 13

Lelaki cedera parah selepas kaki terkena mata pisau jentera bajak sawah

Tapak kaki terbelah dua

PARIT BUNTAR – Seorang pemandu jentera pembajak sawah cedera parah selepas tapak kaki kanannya terkena mata pisau jentera berkenaan sewaktu sedang membersihkan lumpur pada kenderaan berat itu di Kampung Parit Haji Wahab, Tanjung Piandang dekat sini Ahad lalu.

Lebih mengerikan, kejadian tersebut turut menyebabkan ibu jari kaki kanan mangsa, Azman Shah Baharudin, 32, terputus.

Bapa mertua mangsa, Md. Nayan Hanapiah 56, berkata, kejadian berlaku kira-kira pukul 12.30 tengah hari di sawah padi berhampiran kediaman mereka. Jelasnya, sewaktu kejadian,

Azman Shah yang berpengalaman mengendalikan jentera sejak setahun setengah lalu bertindak memberhentikan kenderaan itu akibat mata pisau tersangkut pada tanah.

“Saya melihat mangsa berhenti dan turun dari jentera namun kelibatnya tidak kelihatan selepas itu.”

“Bagaimanapun, saya mendapat panggilan telefon daripada Azman memaklumkan bahawa kakinya cedera parah akibat terkena pisau jentera itu,” katanya ketika dihubungi *Kosmo!* semalam.

Menurut Md. Nayan, dia dan seorang lagi menantunya bergas membantu mangsa dan melihat kaki kanannya terbelah selain banyak darah yang keluar dari

pada bahagian tersebut.

Katanya, mereka terus membawa mangsa ke Hospital Parit Buntar untuk mendapatkan rawatan.

Ujarnya, selain tapak kaki kanannya terbelah, ibu jari bapa kepada dua orang cahaya mata itu juga terputus.

Mangsa kini ditempatkan di Hospital Taiping untuk mendapat rawatan lanjut.

“Dia selamat melakukan pembedahan di hospital berkenaan dan berada dalam keadaan stabil,” katanya.

Menurutnya, jentera pembajak sawah yang digunakan oleh Azman dibeli kira-kira setahun lalu.




KEADAAN kaki Azman yang terbelah dua dan hampir putus akibat terkena terkena mata pisau jentera pembajak dalam satu kejadian di Tanjung Piandang, Parit Buntar Ahad lalu.

‘Beri komitmen bantu pengamal media’

Bangi. Organisasi media disarafi melaksanakan program pasport keselamatan dalam usaha meningkatkan tahap kesedaran terhadap isu keselamatan dan kesihatan pekerja seperti yang diguna pakai industri petroleum, telekomunikasi dan syarikat korporat di negara ini.

Pengerusi Institut Keselamatan dan Kesihatan Pekerjaan (NIOSH) Tan Sri Lee Lam Thye berkata, melalui program itu sekurang-kurangnya petugas media seperti wartawan dan jurugambar mempunyai pengetahuan asas ketika bertugas di kawasan bencana, konflik atau peperangan.

“Saya menyeru majikan bagi organisasi media seluruh negara sama ada kerajaan mahupun swasta supaya memberikan komitmen dalam usaha membantu pengamal media mempertingkatkan tahap kesedaran mereka.



LEE

“Tanggungjawab ini sudah dinyatakan dalam Akta Keselamatan dan Kesihatan Pekerjaan 1994 iaitu menjadi kewajiban majikan untuk menyediakan persekitaran kerja selamat dan sihat, seterusnya mengurangkan kemalangan dan kematian di tempat kerja,” katanya.

Hantar pekerja ke kursus keselamatan

JOHOR BAHRU 17 Ogos - Pihak majikan tidak mempunyai sebarang alasan untuk tidak menghantar kakitangan mereka mengikuti kursus latihan keselamatan yang disediakan Institut Keselamatan dan Kesihatan Pekerjaan Negara (NIOSH).

Pengerusinya, Tan Sri Lee Lam Thye (gambar) berkata, ini kerana NIOSH mempunyai 15 pejabat dan cawangan yang terletak di lokasi strategik di seluruh negara.

“NIOSH selaku agensi penyedia latihan yang diiktiraf bersedia untuk membantu pemaju dan kontraktor terlibat dalam meningkatkan aspek keselamatan di tempat kerja mereka.

“Kami juga menyeru semua pihak yang terlibat dalam projek Rapid untuk menggunakan perkhidmatan yang disediakan NIOSH sama ada di Pejabat NIOSH Wilayah Selatan atau di Pejabat Satelit NIOSH di Pengerang,” katanya mengulas insiden kemalangan yang berlaku di tapak projek Rapid, Pengerang, Selasa lalu.

Beliau ditemui selepas merasmikan Program Keselamatan dan Kesihatan di Sekolah di Pejabat NIOSH Wilayah Selatan, di sini hari ini.

Yang turut hadir, Pengerah Eksekutif NIOSH, Zahrin Osman dan Setiausaha Eksekutif NIOSH, Ayop Salleh.

TAPAK KAKI TERBELAH DUA

Publication: Kosmo

Date of Publication: 09 August 2017

Page number: 13

HANTAR PEKERJA KE KURSUS KESELAMATAN

Publication: Harian Metro

Date of Publication: 18 August 2017

Page number: 13

MEDIA PERLU LATIHAN KESELAMATAN

Publication: Berita Harian

Date of Publication: 11 August 2017

Page number: 24

Ms.24

Jumaat, 11 Ogos 2017 - BH

→ MEDIA

Media perlu latihan keselamatan

→ NIOSH saran program tingkat kesedaran wartawan wartawan kurangkan risiko ketika bertugas

Oleh Osman Lisut
manlee@bh.com.my

► Bangi

Organisasi media disaran melaksanakan program pasport keselamatan dalam usaha meningkatkan tahap kesedaran terhadap isu keselamatan dan kesihatan pekerja seperti yang diguna pakai industri petroleum.

Pengerusi Institut Keselamatan dan Kesihatan Pekerjaan (NIOSH), Tan Sri Lee Lam Thye, berkata melalui program itu petugas media mempunyai pengetahuan asas ketika bertugas di kawasan



Lam Thye beramah mesra dengan sebahagian pengamal media yang menyertai Seminar Keselamatan dan Kesihatan untuk Pengamal Media anjuran NIOSH di Bangi, semalam.

bencana, konflik atau peperangan.

“Saya menyeru majikan organisasi media seluruh negara sama ada kerajaan mahupun swasta supaya memberikan komitmen dalam usaha membantu pengamal media mempertingkatkan tahap kesedaran mereka.

Kurangkan kemalangan

“Tanggungjawab ini sudah dinyatakan dalam Akta Keselamatan dan Kesihatan Pekerjaan 1994 adalah menjadi kewajiban majikan untuk menyediakan persekitaran kerja selamat dan sihat untuk pekerja dan mengurangkan kemalangan dan kematian di tempat

kerja,” katanya.

Beliau berkata kepada media selepas merasmikan Seminar Pengerusan Keselamatan dan Kesihatan Pekerjaan untuk Pengamal Media 2017 di Menara NIOSH, di sini semalam. Yang turut hadir sama Pengerah Eksekutif NIOSH, Zahrin Osman.

Lam Thye berkata, tragedi yang menyebabkan kematian jurukamera BERNAMA, Noramfaizul Mohd Nor akibat tembakan peluru sesat ketika membuat liputan Misi kemanusiaan di Somalia pada 2011 perlu dijadikan iktibar dan pengajaran supaya ia tidak berulang.

“Iu insiden besar yang menjadi

tumpuan negara, namun kita mungkin terlupa kejadian kecil seperti kemalangan jalan raya, wabak penyakit berjangkit dan liputan bencana alam seperti banjir kerana kurang pengetahuan mengenai bahaya yang dihadapi.

“Organisasi media tidak sepatutnya menunggu sehingga berlakunya tragedi sebelum mereka mula mengambil tindakan dan melaksanakan budaya kerja selamat mengikut garis panduan berkenaan,” katanya.

Seminar dianjurkan dengan kerjasama Kementerian Sumber Manusia dan Kementerian Komunikasi dan Multimedia.

Disclaimer

©Copyright 2017. National Institute of Occupational Safety and Health Malaysia. All rights reserved. No part of this publication June be reproduced, stored in retrieval system, or transcribed in any forms or by any means, electronic, photocopying, or otherwise, without the prior written permission of the copyright owner.